



Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 50. Palatinus Elector apud Cæsarem de hac electione questus.

[urn:nbn:de:hbz:466:1-67246](#)

Sæcul. XVI. chiepiscopum eligebat, qui ceteris
A.C. 1583 omnibus, imo ipsi etiam Friderico Sa-
xoni ad hanc dignitatem adspiranti præ-
positus est, quia in præsenti rerum vi-
cissitudine Ecclesiæ necessitas Electo-
rem divitiis, ac potentia conspicuum,
depositeret, qualis erat Ernestus ma-
terna linea ex augustissima Domu Au-
striaca descendens.

§. L.

*Palatinus Elector apud Cæsarem de
hac electione questus.*

Palatinus Elector hanc electionem in-
dignatus acriter apud Cæsarem que-
rebatur, eoque sua indulgentia Pon-
tificis sententiam in Truchsesium latam
confirmasset, quamvis ea, prout ipse
calumniabatur, in Imperio ad Cæsareæ,
aliorumque Principum, & Ordinum
dignitatis imminutionem, & contem-
ptum tenderet. Postea Cæsari expro-
brabat, quod permisisset, ut Pontifex
falcem in alienam messem immitteret,
& indicta caussa membrum ex claris-
fimo Septemvirorum Collegio sua di-
gnitate spoliare posset. Ad hæc idem
Elector Cæsari ista exponebat: „Id
„paucorum conjuratione factum est,
„quod nunc, proh dolor! Cæsaris auto-
„ritate perniciosissimo in posterum exem-
„plo confirmatur: interea Pontifex
„Roma-

„Romanus tanquam ex altissima spe- Sæcul. XVI.
A.C. 1583.
 „cula cædes, & Germanorum effusum
 „cruorem, prout nuper in Sanguineo Pa-
 „risiorum balneo fecit, spectabit: „ His
 proterve prolatis demum orabat Cæsa-
 rem, ut Pontificis conatibus obviam
 eat, neque suis temporibus Germanos
 libertatis suæ jacturam facere, aut vim
 a Papa Augustanæ confessionis Sociis,
 eorumque conscientiis afferri patiatur.

Transmissis hisce prorsus indignis ad Cæsarem literis Elector suas copias die nona Junii præmisit, interea Casimiri Principis Fratris sui militem præstolatus, cui tamen Cæsar die vigesima septima Junii datis literis præcepit, ut nulla mora ab incæpto consilio desisteret, cum ejusmodi ausus non modo Imperii Constitutionibus, sed etiam fidei a semetipso scriptotenus datæ adversaretur, proin quantocius copias a se collectas dimitteret: verum Casimirus hæc Cæsaris mandata flocci habebat.

§. LI.

*Quidam Canonici Colonienses a Nun-
tio comparere jussi.*

Tertia post electionem die novus Ar- Thuan. l. 78.
Spond. n. 6.
Isselt hist.
belli Colon.
 chiepiscopus Colonia magno comi-
 tatu exiit, ac primo Bruelam profectus,
 ibi, ac in ceteris ditionis suæ locis ritu

G 3

solemni